



Universiteti Katolik “Zoja e Këshillit të Mirë”
Programe Specializimi Afatgjatë në Fushën e Mjekësisë

Shpallje Konkursi
Edicioni VI, Viti Akademik 2023-2024
Tiranë

Universiteti Katolik “Zoja e Këshillit të Mirë” (referuar në vijim UniKZKM), themeluar me Vendim të Këshillit të Ministrave Nr. 567, më datë 27.08.2004, në bashkëpunim didaktik me Universitetin e Romës “Tor Vergata”, hap për vitin akademik 2023-2024, në vijim të miratimit të Ministrisë së Arsimit, Sportit dhe Rinisë në Republikën e Shqipërisë në vijim të Urdhrit Nr. 664, të datës 28.12.2017 “Për hapjen e programeve të studimit të ciklit të tretë, Specializime afatgjata pranë Universitetit Katolik “Zoja e Këshillit të Mirë” dhe të Urdhrit Nr. 678, të datës 29.12.2017 “Për hapjen e programeve të studimit të ciklit të tretë, Specializime afatgjata pranë Universitetit Katolik “Zoja e Këshillit të Mirë”, Programe Specializimi afatgjatë në fushën e Mjekësisë, të Ciklit të III-të, për të diplomuarit në Mjekësi dhe Kirurgji të cilët kanë për qëllim zhvillimin e kompetencave specifike për ushtrimin e aktiviteteve mjekësore të specializuara në funksion të formimit profesional.

Neni 1 – Objektivat formues

Të diplomuarit në programet e specializimit afatgjatë në fushën e mjekësisë duhet të kenë:

- përgatitje të mirë profesionale dhe aftësi metodologjike, kulturore dhe profesionale të përparuara, të përshtatshme për të analizuar, interpretuar, vlerësuar dhe menaxhuar problematikat të specializuara mjekësore-kirurgjikale;
- njohuri ndërdisiplinore për të planifikuar dhe zbatuar strategji të vepruari për menaxhimin e problematikave të natyrës shëndetësore me kompleksitet të lartë, aftësi për t’u integruar në tregun e punës të sistemit shëndetësor kombëtar dhe ndërkombëtar;
- aftësi për të përdorur rrjedhshëm, në formë të shkruar dhe me gojë, gjuhën italiane dhe të kenë njohuri të një prej gjuhëve të mëposhtme: gjuhë frënge, angleze, spanjolle, gjermane apo italiane, mbrojtur me certifikatë ndërkombëtare në nivelin C1 në zbatim të parashikimeve të Udhëzimit Nr. 52, datë 03.12.2015 “Për përcaktimin e niveleve të gjuhëve të huaja dhe të testeve ndërkombëtare, për pranimet në programet e studimit të ciklit të dytë dhe të tretë, në institucionet e arsimit të lartë” dhe në përputhje me Ligjin 80/2015 “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”.

Neni 2 – Mundësitë e punësimit

Të diplomuarit në programet e specializimeve afatgjata në fushën e mjekësisë, të Ciklit të III-të, kanë mundësi punësimi të ndryshme dhe ushtrimin e aktiviteteve profesionale të specializuara në qendra shëndetësore publike dhe private ku kryhen veprimtari si diagnostifikimi, përkujdesja, programimi dhe

kërkimi shkencor në fushën e shëndetësisë (poliklinika, spitale, poliambulatorë, kompani farmaceutike, institute të sigurimit shëndetësor etj.) në nivel kombëtar dhe ndërkombëtar.

Neni 3 –Mësimdhënia, Praktikën dhe Stazhet

Për qëllimet e mësipërme, kurrikula e programeve të Specializimeve afatgjata në fushën e mjekësisë, lidhur me objektivat specifike të trajnimit, parashikon aktivitete mësimore dhe praktike klinike. Këto aktivitete do të rakordohen në bashkëpunim dhe partneritet me spitalet publike dhe private sipas marrëveshjeve të posaçme, në përputhje me Marrëveshjen e nënshkruar më 02.06.2016 dhe rinovimet e mëvonshme midis UniKZKM dhe Ministrisë së Shëndetësisë Shqiptare. Si rregull, trajnimi i specializantëve nuk parashikon ndonjë angazhim në kohë pune në klinikat pritëse.

Universiteti nuk do të nënshkruajë asnjë kontratë lidhur me shpërblyerjen të mundshme për specializantin.

Neni 4 -Kushtet për praninë

Lejohen të marrin pjesë në provën përzgjedhëse shtetas të vendeve të Bashkimit Evropian dhe të vendeve JO anëtare të Bashkimit Evropian që kanë:

- Diplomë Master i Shkencave në Mjekësi dhe Kirurgji, ligjërues dhe akredituar në momentin e lëshimit dhe e njohur nga Ministria e Arsimit, Sportit dhe Rinisë;
Diplomë Master i Shkencave në Mjekësi dhe Kirurgji ose Farmaci për studentët që dëshirojnë të marrin pjesë në provën përzgjedhëse të Specializimit në Shkencat e Ushqyerit;
- Kanë licencë për të ushtruar profesionin e Mjekut Kirurg / Mjekut të Përgjithshëm (Certifikatë të Provimit të Shtetit dhe Vërtetimi i Regjistrimit në Urdhrin e Mjekut);
- Kandidatët që nuk janë pajisur me licencën e ushtrimit të profesionit të Mjekut Kirurg / Mjekut të Përgjithshëm mund të aplikojnë dhe, në rast se rezultojnë fitues, do të pranohen me rezervë. Ata duhet të marrin licencën e ushtrimit të profesionit brenda vitit të parë të Specializimit në rast të kundërt përjashtohen nga Specializimi.
- aftësi për të përdorur rrjedhshëm, në formë të shkruar dhe me gojë, gjuhën italiane dhe të kenë njohuri të një prej gjuhëve të mëposhtme: gjuhë frënge, angleze, spanjolle, gjermane apo italiane, mbrojtur me certifikatë ndërkombëtare në nivelin B2 në zbatim të ndryshimeve me Udhëzim Nr. 10, datë 16.6.2023, të parashikimeve të Udhëzimit Nr. 52, datë 03.12.2015 *“Për përcaktimin e niveleve të gjuhëve të huaja dhe të testeve ndërkombëtare, për pranimet në programet e studimit të ciklit të dytë dhe të tretë, në institucionet e arsimit të lartë”* dhe në përputhje me Ligjin 80/2015 *“Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”*.

Kjo certifikatë nuk kërkohet për shtetasit e Bashkimit Evropian të cilët kanë kryer një cikël studimi në një nga gjuhët e sipërpërmendura.

Neni 5- Mënyra e Pjesëmarrjes

Çdo kandidat mund të konkurrojë maksimumi në dy Specializime të ndryshme duke përcaktuar qartësisht në kërkesën e pjesëmarrjes rendin e preferencës.

Për të paraqitur kërkesën për pjesëmarrje në seleksionim për pranimin në Programet e Specializimeve Afatgjata në Fushën e Mjekësisë, Cikli i III, kandidatët duhet të plotësojnë brenda datës **16 shkurt 2024, ora 23:59** procedurën e regjistrimit *online* në portalin e Universitetit Katolik ZKM <http://admissions.unizkm.al/> duke dërguar kopje elektronike në format PDF (skanim pdf/A) të dokumenteve të mëposhtme:

- Formular përshkrimi/Moduli A (i shkarkueshëm nga portali <http://admissions.unizkm.al/> ose nga website www.unizkm.al/ ;
- Diplomë dhe listë notash për çdo provim;
- Certifikata origjinale e diplomimit;
- Vërtetimi i licencës për ushtrimin e profesionit të Mjekut Kirurg/Mjekut të Përgjithshëm (Certifikata e Provimit të Shtetit ose Vërtetimi i Regjistrimit në Urdhrin e Mjekut);
- Curriculum Vitae et Studiorum në gjuhën italiane ose angleze;

- Fotokopje e dokumentit të identifikimit (pasaportë ose kartë identiteti);
- Tituj të tjerë të mundshëm dhe vërtetime (punime shkencore publikuar në revista të specializuara, certifikata për pjesëmarrje në projekte kërkimi, kurse perfeksionimi dhe specializimi, kurse gjuhe, Master, Doktorata etj.);
- Vërtetim i pagesës së tarifës 100,00 Euro¹, si kontribut pjesëmarrjeje në seleksionim. Pagesa kryhet me kartë krediti në të njëjtin portal: <http://admissions.unizkm.al/> ose pranë Zyrës së Pranimeve në Universitetin Katolik ZKM, rruga “Dritan Hoxha”, Tiranë, Shqipëri **brenda datës 14 shkurt 2024.**

Gjithashtu, pagesa mund të kryhet edhe përmes filialeve të Bankës Intesa SanPaolo në llogarinë bankare me të dhënat e mëposhtme:

Përfituesi: Fondacioni Zoja e Këshillit të Mirë (Universiteti Katolik)

1. IBAN AL60208112040000030694935302 për pagesat në Euro;

2. IBAN AL06208112040000030694935304 për pagesat në Lekë.

Në kryerjen e pagesës duhet të specifikohen emri dhe mbiemri si dhe emri i specialitetit për të cilin kryhet pagesa. Pas pagesë procedohet me kontrollin e dokumenteve për secilin kandidat. Statusi i regjistrimit mund të verifikohet duke hyrë hapësirën e rezervuar në portalin e Universitetit.

Neni 6 -Mënyra e seleksionimit

Kandidatët që dëshirojnë të marrin pjesë në provën përzgjedhëse për pranim duhet të paraqiten për të dhënë provimin e pranimi të pajisur me një dokument identifikimi të vlefshëm në auditorët e Universitetit Katolik ZKM në rrugën “Dritan Hoxha”, Tiranë, Shqipëri.

Provimet do të kryhen në orën 15:00 në datë 27/02/2024.

Seleksionimi i kandidatëve do të bëhet nga një Komision i emëruar me një dekret të Rektorit që do të vlerësojë titujt e diplomave të paraqitura dhe rezultatet e provimeve.

Konkursi konsiston në një provim me shkrim dhe një provim me gojë, dhe më pas një intervistë.

Për provimin me shkrim, Komisioni do të aplikojë 60 pyetje me shumë përgjigje quiz dhe me kohë në dispozicion 60 minuta.

Provimin me gojë konsiston në një diskutim të kandidatit me Komisionin, gjatë të cilit do të diskutohen argumente nga kultura e përgjithshme mjekësore, duke iu referuar gjithashtu edhe atyre të trajtuara në provimin me shkrim, si dhe temat që lidhen me fushën e specialitetit për të cilën konkurron.

Tema e intervistës do të jetë diskutimi midis kandidatit dhe Komisionit mbi tema të përgjithshme dhe programit të studimit të disiplinës së specializimit për të cilën konkurron.

Gjatë provimit me shkrim nuk lejohet konsultimi me tekste të tjera, gjë e cila do të sillte përjashtim nga konkurrimi.

Përzgjedhja e kandidatëve do të bëhet nga Komisioni nëpërmjet një provimi konkurrimi, i cili parashikon një sistem vlerësimi me në total 100 pikë të ndara si më poshtë:

1. 30 pikë- test mbi njohuritë e përgjithshme të fushës;
2. 40 pikë- test mbi njohuritë specifike të programit të specializimit;
3. 20 pikë- nota mesatare e ponderuar e kandidatëve që janë diplomuar në Shqipëri dhe nota e diplomimit për kandidatët e diplomuar jashtë shtetit;
4. 10 pikë -intervistë me gojë;

¹ Komisionet e mundshme do t'i ngarkohen kandidatit. Pagesa e tarifës duhet të arrijë e plotë në llogarinë bankare të Universitetit, përndryshe regjistrimi nuk është i vlefshëm.

Për të marrë pjesë në Konkursin e Specializimit, kandidatët e diplomuar në Shqipëri duhet të kenë një mesatare të ponderuar të notave të të gjitha viteve të Programit të Studimit në Mjekësi, jo më të ulët se 5 (pesë).

Në rast *ex-aequo* kanë përparësi ata që kanë marrë pikë më të larta në provën e pranimi.

Në programin e Specializimit do të pranohen kandidatët të cilët do të renditen fitues në listën e hartuar në bazë të rezultatit të përgjithshëm të pikëve të grumbulluara, në përputhje me numrin e kuotave në dispozicion.

Renditja zyrtare do të publikohet brenda datës **04/03/2024** në faqen zyrtare të Universitetit Katolik ZKM <https://www.unizkm.al/> dhe në Sekretarinë Mësimore të Programit të Mjekësisë dhe Kirurgjisë të Fakultetit të Mjekësisë pranë Universitetit Katolik "Zoja e Këshillit të Mirë".

Neni 7 – Mënyra e regjistrimit në Programin e Specializimeve

Kandidatët fitues duhet të depozitojnë pranë Sekretarisë mësimore të Mjekësisë dhe Kirurgjisë brenda datës 11/03/2024 kërkesën për regjistrim detyruesisht të plotësuar dhe nënshkruar (sipas formularit që gjendet pranë Sekretarisë ose që mund të shkarkohet nga portali i studentit <https://portal.unizkm.al/#/>);

- fotokopje autentike e diplomës dhe listës së notave për çdo provim;
 - fotokopje autentike e Certifikatës së diplomimit
 - fotokopje autentike e vërtetimit të licencës për ushtrimin e profesionit të Mjekut Kirurg/Mjekut të Përgjithshëm (Certifikata e Provimit të Shtetit ose Vërtetimi i Regjistrimit në Urdhrin e Mjekut);
 - Curriculum Vitae et Studiorum në gjuhën italiane ose angleze;
 - fotokopje e dokumentit të identifikimit (pasaportë ose kartë identiteti);
 - tituj të tjerë të mundshëm dhe vërtetime (punime shkencore publikuar në revista të specializuara, certifikata për pjesëmarrje në projekte kërkimi, kurse perfeksionimi dhe specializimi, kurse gjuhe, Master, Doktorata etj.);
 - fotografi
 - vërtetimin e pagesës së tarifës vjetore si kontribut për studimet e barabartë me 3000 € për shtetasit shqiptar për tu paguar me një kësht të vetëm ose me dy kështe nga 1500 €, i pari në momentin e regjistrimit dhe i dyti brenda datës 30/09/2023; 4500 € për shtetasit e huaj të vendeve anëtare të BE si dhe jo anëtare të BE, e cila duhet paguar e gjitha në momentin e regjistrimit.
- Për vitet e ardhshme, tarifën e sipërpërmendura paguhet përkatësisht në 30 mars të çdo viti në një kësht të vetëm për shtetasit e huaj të vendeve anëtare apo jo të BE-së, ndërsa për shtetasit shqiptar kështin e parë në 30 mars të çdo viti dhe kështin e dytë në 30 shtator.
- vonesat në pagesën e kështeve ose kështit të vetëm do të sjellin një kamatë vonesë sipas kushteve të mëposhtme:

Për tridhjetë ditët e para të vonesës:

*100 Euro për kështin e parë apo për kështin e vetëm

* 30 Euro për kështet e tjera

Për vonesat e mëtejshme: 15 Euro për çdo muaj

Aplikimet me mangësi në dokumentacion nuk do të merren parasysh dhe sekretaria do të procedojë duke thirrur kandidatin pasardhës në renditjen sipas meritës.

Sekretaria nuk është përgjegjëse për vonesa në dorëzimin e dokumentacionit të paplotë.

Universiteti regjistron kandidatin me rezervë, deri në regjistrimin nga Qendren e Shërbimit Arsimor të Republikës së Shqipërisë (QSHA). Në rast refuzimi të regjistrimit për çfarëdo arsye që lidhet me mos përmbushjen e kërkesave nga kandidati, Universiteti përjashtohet nga çdo përgjegjësi.

Fituesit të cilët nuk kryejnë regjistrimin dhe pagesën brenda afatit të caktuar do të konsiderohet se kanë hequr dorë nga specializimi dhe do të zëvendësohen nga kandidatët pasardhës në renditje: për këta të fundit afati i regjistrimit është brenda datës së fillimit të programit.

Shënim: Kandidatët që janë diplomuar jashtë vendit duhet të kryejnë edhe procedurën e njehsimit të diplomës pranë Qendrës së Shërbimit Arsimor të Republikës së Shqipërisë (QSHA) dhe t'ia dorëzojë Sekretariatit Mësimor kopjen e dokumentit të njohjes së diplomës të lëshuar nga QSHA-ja.

Neni 8- Mënyra e zhvillimi të aktivitetit mësimor

Aktivitetet në lidhje me leksionet forntale do të zhvillohen në vendet e zgjedhura nga Universiteti.

Aktiviteti akademik teorik/klinik-praktik do të zhvillohet në strukturat shëndetësore të vendosura paraprakisht me marrëveshje bashkëpunimi specifike të parashikuara në Marrëveshjen Kuadër nënshkruar mes UniKZKM dhe Ministrisë së Shëndetësisë Shqiptare dhe strukturave shëndetësore të cilat do të përcaktohen nga Përgjegjësit e secilit Program specializimi sipas nevojave të posaçme të vet specializimit.

Praktikat klinike do të kryhen në strukturat shëndetësore të palëve partnere me të cilat ka marrëveshje.

UniKZKM, në fillim të programit, do t'i komunikojë në kohë përmes Përgjegjësve të Programeve, çdo kandidati fitues emrin e udhëheqësit dhe të strukturës shëndetësore ku do të kryhen aktivitetet klinike-praktike.

Neni 9- Lista e programeve të specializimit të hapura dhe numri i kuotave përkatëse për secilin program

Nr.	Program Specializimi në:	Kuota	Kohëzgjatja
1	Anesteziologji, Reanimacion dhe Terapi Intensive	4	5 vjet
2	Kirurgji e Përgjithshme	4	5 vjet
3	Gastroenterologji	2	4 vjet
4	Gjinekologji dhe Obstetrikë	3	5 vjet
5	Sëmundje të Aparatit Kardiovaskular	4	4 vjet
6	Nefrologji	2	5 vjet
7	Otopedi dhe Traumatologji	3	5 vjet
8	Shkencat e të Ushqyerit	2	4 vjet

Rektori
Prof. Leonardo Lalombi




Tiranë më, 18/01 /2024